

懷遠縣志卷之四

人物

邊地風氣人情真誠果敢歷朝以來豈無忠孝節義出於其間可以流傳不朽孔子曰十室之邑必有忠信况其地接踵岐周去聖人之居不遠德化之暨訖夫豈以朔漠限乎乃五代後播遷靡常以迄元明套人夏人蹂躪殆盡復遭李闖之亂經數百年之兵燹幾乎靡有孑遺國初又以邊寇甫平止用衛官治其地終日籌餉訓兵之不暇雖有人材間出誰為賞識誰為表彰宜乎忠孝節義湮沒無傳適成其沙漠墮耗之俗也不得已而採耳目之所及者誌之不過存十一於千百亦曰樹之風聲以期民俗之成已耳按懷邑分五堡波羅威武懷遠清平為漢白土縣地惟響水為漢

懷遠縣志

卷四上

固陰縣地國初因明制置屯衛官兵守禦屬延安綏德榆林等衛設城堡同知管理民事雍正三年設波羅州同威武巡檢至雍正八年裁改郡縣以懷波響威武五堡為縣治而三衛之屯軍皆為編戶編戶各領以百戶如孫隆百戶王洗百戶者是皆當日屯官姓名今仍其舊百戶所領糧地自綏德衛收入者五堡俱有其自延安衛榆林衛收入者則坐落縣治之清平堡三衛糧地既歸懷遠則三衛所出之人物亦應歸於懷遠况延安綏德自明迄今皆設郡縣則人物志下不言某縣人而言某衛人者收入懷遠志中尤為信而有徵焉

明

彭清字源潔縣屬威武堡之榆林衛人初襲綏德衛指揮使以功



擢都指揮僉事宏治初充右參將分守肅州寇入犯率兵躡之獲馬駝噐仗及所掠人畜而還尋與巡撫王繼恢復哈密有功清雖位偏校而好謀有勇略名聞中朝尤為尚書馬文升所器八年甘肅有警以文升薦擢左副總兵仍守甘肅文升既得楊翥策銳欲搗哈密襲牙蘭乃發罕東赤斤暨哈密兵令清統之為前鋒從許進潛往行半月抵其城下攻克之牙蘭已先遁乃撫安哈密遺種全師而還番人素輕中國謂不能涉其地至是始知畏清功居多稍遷都指揮使十年擢清都督僉事其冬魯番歸來哈密忠順王陝已旦乞通貢西域復定屢辭疾請解兵柄不允十五年卒清御士有恩之鎮西陲威名甚著番夷憚之性廉潔在鎮遭母及妻妹四喪不能歸葬卒之日命其子不得受賻贈故其喪亦不能歸帝

懷遠縣志

卷四上

二

命撫臣發帑錢資送歸里賜祭葬如制見明史本傳又通志載舊志云清任延綏副總兵分守黃甫川敵擾邊清征討有功陞都督僉事佩總兵印籍貫考辨見郡志

張詢字信卿縣屬清平堡延安衛人持身清介動以古人為法聚生徒數十百人獎勵有方成化間以監生任聞喜縣丞嘗為縣輸餉榆林時總兵某詢之鄉人也為留羨金以進詢還貯之縣庫上其事於府後致仕歸貧不能存處之自然以壽終

謝欽字克敬縣屬榆林衛人年數歲而風神警拔弱冠讀性理諸書務積誠以主靜為學督學楊一清見而奇之語曰子才識俊朗庶幾名流歟尋命與弟鎮同冠躬為三加時冠禮久廢一時翕然聚觀咸歎異焉及省試將行預為二詩以訣父母怪之比放榜卒

主司厚贖驛送歸葬欽嘗著榆陽列女傳安邊十策

謝鎮字克靖少秀穎讀書三行俱下母早卒三事繼母皆曲盡子職兄欽有遺孤方五月撫鞠過於己子長於詩賦兼工章草從游甚衆弟子及鄉人共資助之援例入太學時劉瑾用事告歸終養卒士林哀之所著有西平賦漁樵野錄竹軒吟稿妻田氏以守節終

楊宗氣字鍾山縣屬延安衛人其先以軍功世其官宗氣幼有大志授經書即能領解嘉靖二十二年進士授庶吉士改給事中豐采後屬多所建明世宗時爭論大禮廷杖謫戍後為山西督糧道別釐宿弊擢都御史巡撫雁門又總三晉軍務振綱飭紀稱屏翰名臣下詔褒錫節制四省吏畏民懷邊地干城實嘉賴焉時中官懷遠縣志

卷四上

三

用事宗氣獨不附諸璫深銜之遂乞歸優游泉石者十餘年卒於家賜祭葬

張世烈字葵廷縣屬延安衛人隆慶二年進士任開州知州刑清政簡以治行聞轉戶部推闕稅羨金皆入於公遷青州知府表率僚屬清操益堅歷參政至左布政使致仕召為太僕卿終不赴恬退自抑樂與人善較藝談經輒媿媿不倦學者師事之

高極字天樞懷遠堡人綏德衛指揮嘉靖二十九年秋防威武堡賊犯清平極身先陷陞部曲不繼力戰死之

宗儀呂威武堡人官把總嘉靖二十四年戰歿於永興之頁沙梁張禮字儀亭縣屬威武堡人素有義風明季為益商傾家財守城及陷賊索之罵賊死

熊維藩字振宇縣屬威武堡人宣府參將致仕歸高賊攻堡藩力戰傷賊甚衆堡陷藩自刎賊碎其尸焉

孫贖縣屬綏德衛左所千戶榮子襲榮職歷官薊鎮總兵嘉靖中入衛值北兵犯畿輔力戰死之

姬曉縣屬榆林衛千戶嘉靖中戰歿於大同

王勤縣屬榆林衛百戶戰歿於建安堡

台元縣屬延安衛人聞賊入城兩手握大石欲為狙擊計鄰人恐禍及縛之回至家不食五日死

來順威武堡廩襲傳鏗僕也主母病患大便癰閉幾死順泣曰主母如此我受撫養猶子也報恩者斯時矣遂割臂肉一塊煎以進之病隨愈

懷遠縣志

卷四上

薛廣縣屬延安衛人幼喪父母周氏撫養成立廣性至孝竭力供養母病醫藥弗效廣齋素三年懇禱於天遂愈後母年八十卒廣哀慟三日不食既葬廬於墓蔬食飲水負土成墳正統十三年旌表其門

彭械榆林衛都指揮使自曾祖瑄祖震父清及兄弟械械槿鎮志武官門彭械清子孝友門作槿或槿字之誤梟探凡四世未嘗異財分

饗貴盛右於延綏而子弟恂恂不失儒素鄉人化之

余林縣屬綏德衛百戶嘉靖四年戰死於威武堡

鄭東懷遠堡人性忠勇遇敵身先士卒任綏德衛世襲指揮歷陞

榆神等城堡石叅軍嘉靖十一年與蒙古對敵陣亡

鄭炁懷遠堡人忠勇有智畧任綏德衛軍政掌印嘉靖三年奮力

勸教子塔賊陣亡

鄭恭止懷遠堡人幼有大志喜讀兵書善於料敵以軍功世襲歷任北直京應路副總兵遇陣勇先士卒忠不顧身時稱為忠勇將軍俺答寇邊聞恭止名叩首求還至今傳為美談

國朝

馬仲融字以和號木巨縣屬綏德衛人童龀中嶷然授左氏春秋即能究其義長善屬文順治三年進士除知固始縣縣界楚之黃光間多盜且新承荒梗仲融到官極意綏輯使耕桑布減丁之條佩刀劍者有禁未一年風俗頓改既為勤練以勞卒官民號哭痛切立祠祀焉父光授封文林郎胞弟猶龍貢生嫡堂弟如龍舉人官江西巡撫各有才望

懷遠縣志

卷四上

五

白璉字宗玉響水堡人由貢生任鞏昌府會亭縣訓導有孝行宗族鄉黨稱之無間言性慷慨凡有利人濟物之事恒不惜己資爭先踴躍堡人咸服

任奇字九一波羅堡人品行端正地方利弊敢於直言鄉里老少無不信服由貢生在西安府興平縣訓導

王國鼎字盤石波羅堡人由貢生任貴州畢節道副使持身謹恪待下寬仁所在民咸之如父母

按鎮志國鼎字新甫榆林人以蔭生授波羅守備旋擢遊擊從經畧洪承疇招撫雲貴有功提授畢節道僉事轉浙江寧波道時海警頻至二載之間勞苦成疾卒於官

郭巍然字峻山懷遠堡人任直隸永平府教授廉介自持和平訓

士常俸之外饋遺一無所受解組歸益貧乏不能自贍坦然安之  
至老手不釋卷訓誨後學不倦遊其門者成立甚多子廷鈺為士  
類傑出

周建邦字卜年懷遠堡人剛直尚義由諸生入國學康熙十四年  
流賊擾邊城堡蹂躪人心恐恐欲留髮從賊建邦奮然曰寧守朝  
廷之制以死豈可屈節於賊以求生耶堡人咸壯其義象志始翁  
然當事嘉之徵為瀋陽寧遠州同有政聲

雷翼極字象巨懷遠堡人性耿介有幹才由歲貢任臨洮府金縣  
訓導恒以振興士習自任每見諸生推心教誡一時士風丕變人  
才蔚起他如國事所關不憚煩勞即遠征青海護解兵餉一事慨  
然以微小儒官任之亦可見其一班矣

懷遠縣志

卷四上

六

趙試元字殿一清平堡人博學明遠由歲貢任安塞縣訓導教課  
諸生疊疊不倦每以振士習正文風為己職屢署知縣事有政聲  
士民懷之

馮大柱字邦正由行伍歷任湖廣漢江副將時倭犯境嚴烽堠飭  
舟防賊不敢侵南浙士馬雲集運籌帷幄給餉不置遂以捷聞

胡茂禎字永盛任江南徽州鎮總兵官順治十八年敗流賊滅福  
王平定河南江南敗賊九處又遣官兵敗賊六處以軍功陞任湖  
廣提督拜一等阿達哈哈番襲職六輩

按波羅通衢有深溝為行旅患茂禎未遇時指月為誓必填此溝  
及後通顯遂填之往來以為利焉因建胡公祠為指月庵有碑可  
考

孫喜策任湖廣常德副將順治十八年敗流賊滅福王平定河南江南敗賊十處加世襲拜他喇布勒哈哈

番兼一拖沙喇哈番准承襲三輩子鍾於康熙二十年襲職鍾無子鍾姪承勳於康熙三十三年襲職授三等侍衛任北直樂亭營守備陞山西大同遊擊

李毓采字華廷隸波羅籍以驍勇聞康熙十三年進剿廣元功加守備十四年朱龍叛龍党周四兇據州城毓采攻破南門單騎入城賊觀其無後繼者圍殺之事聞贈遊擊賜祭奠廕一子衛干總按通志作清澗人官把總清澗志作毓采波羅營把總駐防綏德無子絕嗣

左成庫波羅堡人木瓜管守備康熙十四年叛賊朱龍陷城力戰懷遠縣志  
而死

薛甫棠波羅堡人官把總乾隆年間奉調征金川陣亡

謝表字廷章縣屬清平堡延安衛由歲貢任涇陽縣訓導藝文敏達善誘後進諸生成服鄉塾設教裁成甚多士類稱道不衰

馮天運字開柱縣屬清平堡程賢人由歲貢任高陵縣訓導博學廣聞性沉毅品端方有孝行凡濟人利物之事知無不為人咸稱之

賈九霄字雲程縣屬清平堡程賢人恩貢生性至孝年六旬奉母猶勤甘旨必親供之製器必親進之嘗謂妻婦奉其母不若自奉之樂設塾授徒善誘不倦成立廩貢諸生十五六人卒年八十有六鄉党勒石記其德教焉

李亮山縣屬清平堡湯全人秉性端厚家道豐裕而處以勤儉教子猶有義方施惠無德色歲荒量力賑恤遠近慕其仁子孫蕃衍卒年八十有五德行亦刻石焉

謝表象縣屬清平堡延安衛人由歲貢選漢中府訓導品行正直舉止端方

楊尊賢字鳳三由歲貢任朝邑縣訓導未任病故品學兼優德教可風

孝子

馮明鏡清平堡翟賢監生前高陵訓導君良孫歲貢生天香子也幼無童心年十五失怙哀慟迫切逾於尋常事母先意承志能得歡心鬻然孺慕數十年如一日母疾不起欲以身殉喪盡禮宗

懷遠縣志

卷四上

八

党咸矜式焉嘉慶二十五年請旌其族人馮滿才亦以孝稱道憲俱給匾旌獎

義夫

邵三錫字懷吾持身清謹仗義輕財年甫三旬失偶誓不再娶撫一子以終其身遇鄉鄰貧困不吝己資慨然散給人咸稱之



陣亡兵丁

蕭如青

易成德

王殿有

朱廷秀

以上嘉慶二年正月十三日在湖北官潭打仗陣亡

王祿

楊澤潤

王作喜

劉喜

賀登貴

朱化舜

傅有伏

白存仁

以上嘉慶二年四月二十七日在陝西舊縣關打仗陣亡

陳滿庫

胡治保

張恒全

王陞

郭永泰

熊飛

張爾福

以上嘉慶二年五月十七日在陝西鄉縣屬之澗池舖打仗陣亡

臧自申

惠仗元

以上嘉慶二年五月三十日在湖北鍾祥縣屬之向家栗樹林打仗陣亡

李珍

吳生保

楊懷寬

李世忠

一作萬忠朱印

宋世剛

以上嘉慶二年八月二十一日在四川屬

之老水園

白生貴

嘉慶二年九月內在陝西西鄉縣屬之陳家河打仗陣亡

余官

嘉慶三年五月初三日

閻有泰

邊印

楊懷興

懷遠縣志

卷四上

九

潘朝臣

劉日祥

朱興

王成

慕雲書

趙富

楊懷忠

白祥楨

劉喜如

張起奉

楊金

張聚才

以上嘉慶三年十二月二十九日在四川新寧縣屬之麻柳場打仗陣亡

馬步德

王士泰

以上嘉慶四年正月九日在四川墊江屬之三元橋打仗陣亡

朱德庵

柴魁元

以上嘉慶四年二月初二日

李成玉

在陝西鳳縣屬之塘藏打仗陣亡

員登福

以上嘉慶五年五月二十一日在陝西墊

屋縣屬之興魚

楊萬春

嘉慶五年九月初三日在湖北梅湖軍營江岸打仗陣亡

張福才

員登相

李貴

榆林人寄居懷邑

周大富

許大明

以上嘉慶五年十一月初十日

韓天福

嘉慶六年九月十九日在四川廣元縣屬

之五角山

廖文蘭

嘉慶七年四月十五日在四川廣元縣屬之五家壩打仗陣亡

朱喜才

嘉慶八年十月初二日

定遠屬文小祥

在陝西

在陝西定遠屬文小祥打仗陣亡

節婦

明

謝紀氏縣屬榆林衛生員謝欽妻年十九生子纔三月欽赴鄉試不第卒於西安紀聞訃即為同寔計翁姑覺之督家人嚴備媵戚中又日為之開譬紀意乃沮後翁死事姑唐氏最孝深居閨門日事女工雖至親罕見言笑鄉党師之

范戴氏縣屬榆林衛監生范瑄妻瑄亡時戴年二十七無子以死自矢姑張氏勸止之事翁姑惟謹且立嗣以繼守節五十餘年後與謝同旌表焉

陶趙氏縣屬延安衛指揮陶秉忠妻年十九秉忠亡其父以無子故屢勸易節趙抗志不從紡績自給壽七十卒

懷遠縣志

卷四上

十

趙薛氏縣屬榆林衛餘丁趙奎妻奎卒薛欲以死殉姑孀嚴守之越宿薛忽解憂容若不殉然伺備稍弛自縊巡撫張旌其門

沙常氏縣屬延安衛人沙繼勳妻繼勳早亡常年二十餘刻木於室事之如生垂四十年雅操不爽鄉人重之

田史氏縣屬榆林衛武舉田畬妻畬死無嗣史撫幼女守節居喪泣血行道哀之家貧無依藜藿亦不允也日惟繡帷中晨夕酌水奠祭不徹且足不踰閭親屬周給多卻而不納嘉靖中遭凶歲數日絕糧母子閉門待斃當事聞之給贍焉

梅黃氏縣屬榆林衛廩龔梅禎妻年二十禎卒黃厲志守節時有豪右厚賂其翁翁計之黃力拒不克號呼四鄰控當事得以節終余柳氏縣屬綏德衛百戶余林妻林於威武堡陣亡柳守節四十

十年當事旌其門

張馮氏縣屬延安衛廕襲張世功妻綏德州侍郎汝驥女也幼習女誡端怡自持年十九世功三日不勺飲且治凶具親族勸之曰汝有孤甫一歲不自乳而從夫偕亡如宗祊何曷若撫遺孤而存祀也馮領之畢志守窮歷八十餘歲卒院道旌其門

王李氏縣屬延安衛百戶王國正妻僑居榆林二十九歲國正喪哀泣幾絕水穀不入口者數日將死殉親鄰密訪之因勸曰幸有幼子子在猶夫在也死何為李遂悟日勤女工撫幼子業儒列賢序且以醫名孝慈兩著聲稱不聞焉

張許氏縣屬延安衛指揮張經妻經卒計無所出媵杜氏有妊將媿身應繼者爭立以其世職也許祥許之後杜產得男許抱示於

懷遠縣志

卷四上

十一

族党伯叔兄弟共見之求長者名之曰來尋聞於衛自是與媵殷勤保愛及長教以義方後襲經職歷官協守宣府副總兵

馬胡氏縣屬綏德衛人馬文熙妻熙亡守節又紀文娘妻王氏娘亡守節俱旌表

王李氏縣屬綏德衛千戶王大瀛妻年二十九大瀛亡遺八子俱幼二猶在襁負家徒壁立茶苦鞠育或勸之再適李正色叱之曰所不與夫君俱沒者為遺孤多未成人耳厭貧改節何面目見夫君於地下乃截髮自誓守節益堅督撫院道咸旌其閭焉後八子以武起家稱為王氏八虎長曰威任總兵歷世貴顯李後以壽終謝唐氏縣榆林衛指揮謝戡妻戡先妻遺三子二女俱幼唐恩養備至婚嫁以時後戡卒長婦紀次婦田俱少寡依唐守節者數

十年巡撫張旌其門

汪沈氏縣屬波羅廬襲汪直妻夫死時年二十五撫孤守節至七十餘歲卒

彭習氏縣屬威武堡總兵官彭清之曾孫彭珩妻習年二十霄亡撫孤守節年六十有七而卒子士弘亦以孝稱

孫李氏縣屬綏德衛左所千戶孫榮妻榮卒子二膺十二歲騰二歲家甚負李荼苦備至撫二子成立膺襲職歷薊鎮總兵官嘉靖四十二年十月卒愛把都兒掠順義三河膺戰死

何景氏縣屬榆林衛廬襲何承爵妻生員景和文也年十七歸承爵三年爵死景有遺腹日求死時翁姑俱老泣謂婦曰能不為何氏延一脈耶假汝死則予輩衰暮即相繼轉溝壑也景泣且唯已

懷遠縣志

卷四上

十二

果生男乃備績為事親撫孤之資鄉人稱為何孝婦居數年翁姑相繼亡孝婦荷土成墳足不出閨闈者三十餘年雖兄弟至在閨

外與語子某成立襲職千戶鎮志府志俱作徐氏

姬李氏縣屬榆林衛千戶姬曉妻母病卧榻者三載李事之甚謹鄉人稱為孝婦嘉靖初曉隨征大同適叛卒亂死於敵李年二十

九遺孤爵方二歲李撫之成立守節至七十八歲而終

馮麻氏縣屬榆林衛舍餘馮教妻教死麻二十七歲遺二孤皆幼族人屢欲奪其志麻持之益堅奉姑甚孝每以詩書課二子嘉靖中長子時吉領鄉薦而麻已先死鄉人哀之

王趙氏縣屬榆林衛百戶王勤妻勤戰沒於建安堡趙聞之痛哭三日不食死時號為雙節詔旌表之

崔趙氏縣屬榆林衛人崔重祚妻年二十祚亡遺孤九月家貧朝夕不支而趙堅操彌厲壽八十終

楊柳氏縣屬榆林衛右所掌印楊坤妻柳初聞賊警舉家謀自全術柳曰時事至此婦道以潔身為正惟有死耳未幾城破圍急柳泣謂姑曰賊入某必死但不能終養而以幼子永亨永祥上累奈何及聞城破投井死永祥順治十七年庚子科武舉十八年武進士歷任新安衛守備多將畧而百戶坤者性篤誠足智幹才初從平西王在西安結散難民口糧招回婦女八百餘遂署柏林堡守備非其好也退而隸名延鎮凡有興作必藉以疆濟今城之官觀樓閣橋道皆其所善治人咸德之

張殷氏縣屬清平堡生員張威妻年二十九喪夫遺子三歲時遭

懷遠縣志

卷四上

十三

荒旱恒績紡以供饘粥苦節五十餘年以壽終且教子鵬翼為龔上士闔學公舉貞節當事旌之

王高氏縣屬榆林衛百戶王伸妻伸死孀居一十三載川其子永安為諸生城破整衣并手携長婦某氏曰吾寡居不面姻親中一男子者有年矣今面賊乎同長婦入井中死數日賊去出之井高顏如生後三閱月合殯夫墳開棺視之香聞數里臨窆者無不異焉

管傅氏縣屬威武人管登魁妻城陷携幼男投井死

王原氏縣屬榆林衛指揮使王國禎妻氏年二十八國禎以事往江南客死訃至即投繯不欲生鄰媪借其母抑譬再三後迎母與姑同居奉養不怠鄰里共推節孝有子三世臣虎臣狼臣虎臣武舉

王苗氏縣屬榆林衛百戶王受璽妻年二十八夫亡家貧無子不  
嫁舍旁有一圃苗常種菜自給鉏灌之時暗誦佛經兄子苗可進  
恒負薪水助之苗後跌坐而卒前數日圃中菜再皆開小花如菁  
芙蓉一夕而落香氣不散者經旬苗可進亦好義人也以功授戎  
車營守備當李闖之亂遂隱商山不知所終

姜紀氏縣屬榆林衛指揮姜正妻 李岳氏縣屬榆林衛人李時  
妻 王申氏縣屬綏德衛指揮王楷妻 李梁氏縣屬榆林衛軍  
李春芳妻 傅王氏縣屬綏德衛舍餘傅鏜妻 楊張氏縣屬榆  
林衛千戶楊汝楫妻俱年二十七守節各以壽終

國朝

任黃氏縣屬儒士任則榮妻昭勇將軍近來公季女也年二十則

懷遠縣志

卷四上

十四

榮病卒誓不再字志甘守節備歷艱苦奉養舅姑三遷教子輔世

舉明經孫朝柱朝彥俱入泮食廩

雍正五年請旌

慕邵氏縣民慕天爵妻年二十四夫亡家貧翁姑年逾八旬多疾

病氏忍飢寒親井臼傳養不怠教子謙時耕時讀入泮成立

張何氏縣民張國威妻年二十三國威亡遺孕甫七月剪髮以誓

不二後育一子名俊民茹荼績苧以供授業後亦奮志讀書入泮

食餼事翁姑生養死葬皆克盡禮以節孝稱

馮劉氏縣民馮國才妻年二十三夫亡家貧衣食不給親操箕帚

勤務女工以供孀姑幼子姑眼疾翳障失明氏舌舐之竟得醫退

目復明鄉党以為孝道所感姑年八十病卒氏晝夜侍牀褥寢食

俱廢姑亡借幼子裹泥以葬更克盡禮

以上皆乾隆十一年請旌

任白氏縣廩生任餘榮妻年二十八夫亡子甫二歲遭飢饉奉孀姑苦志不移性最孝因姑多病持長齋晨昏禱增姑紀姑久疾忽愈以耄壽終子亦成立 乾隆十三年請旌

王曹氏縣民王玉妻年二十七夫亡子幼孀姑病疽貧乏無依氏忍飢寒自啖粗糲以甘旨供姑日則偕弱子種園夜則教讀二子俱成立及姑八旬有二壽終率二子裹土作墳鄉里咸以母儀婦道稱焉 乾隆十二年請旌

邵郭氏縣民邵文瑞妻年二十七夫亡矢志冰霜孝事孀姑慈育幼子姑年未六旬得疾久不愈氏廢寢食侍左右十餘年如一日姑七十餘歲以壽終殯葬盡禮時人咸以孝婦稱之

惠李氏縣民惠瓊妻年十九夫亡子大愷生甫七月氏勤女工以

懷遠縣志

卷四上

十五

敬事翁姑并白而外辛苦備嘗延師教子子亦入泮成立

周張氏縣民周預基妻年二十一夫亡撫一子甫二歲而天親鄰多勸之嫁不從曰公姑年邁不可缺養也周家宗祀不可自我而斬也於是求一族子以繼名以曰乾苦志撫育成立入泮其事翁姑則忍飢寒勤女工以供菽水翁姑並壽逾七旬殯葬克盡其禮

以上俱乾隆十三年請旌

劉王氏縣民劉勳之妻年二十二夫亡子文學甫三歲氏茹糠績苧撫子成人投營入伍乾隆十三年出兵金川陣亡媳婦改嫁止遺幼子仍操作撫育以冀成立 乾隆二十年請旌

白曹氏縣民白瑾之妻年二十五夫亡時孀姑陳氏年逾五旬幼子種采年七歲家徒四壁孤苦無倚氏飢寒併迫秉節愈堅勤務

女工奉姑育子克盡婦道 乾隆二十年請旌

劉張氏威武堡民劉登科之妻年二十二夫亡子甫週歲氏堅貞守節撫子成名入泮其事翁姑則日夜操作以供甘旨翁姑並壽至旬殯奠盡禮 嘉慶十八年請旌

李陳氏縣屬清平堡文章李明之妻年十九夫亡遺子爾馨甫週歲氏以子質弱兼撫夫兄李彰之次子爾奉為嗣撫孤守節苦歷艱辛奉姑至孝教養二子入泮孀居五十餘年子孫蕃衍 嘉慶二十三年請旌

陳牛氏波羅營兵陳尚位之妻年十九其夫隨征病亡氏撫育幼子堅白自持

馮謝氏本邑庠生馮欽之妻年二十二夫亡撫孤子甫五齡旋天

懷遠縣志

卷四上

十六

氏勵志彌聖鞠育繼子樂山暨年入泮復歿孫爾坦並得教養入庠壽八十一卒

曹鄭氏懷遠堡民曹文禮之妻年十八夫亡氏守節撫孤柏舟自誓子保柱克承訓教勤力務農

李高氏懷遠堡氏李發之妻年二十八夫亡守節撫孤里党咸稱子士強勤儉成家奉母克孝

黃康氏響水堡民黃朝直之妻年二十六夫亡貞心亮節里党咸稱子其榮勤儉守成奉養無缺

單張氏增生單必明之妻年二十一夫亡矢志堅貞清白自勵撫姪成嗣鄰族稱賢

李邊氏懷遠堡民李汝松之妻年二十三夫亡守節撫育幼孤清



白自操子登仕克承母訓勤務耕讀

范里氏懷遠堡民范有年之妻年二十九夫亡撫子兼備慈嚴貞操自持與妯娌范張氏一門雙節子士和力務稼穡孝亦堪稱

范張氏懷遠堡民范有信之妻年二十二夫亡守節撫子成立矢志彌堅洵稱完節子士清仰承母訓耕讀克勤

樊康氏武生樊強妻年二十三夫亡守節撫孤堅貞自勵子仲義等力治農業足稱守成

曾王氏懷遠堡民曹有成妻年二十四夫亡守節奉翁孝養子成歸早故二孫尚稚撫育成立孝節著聞

馮谷氏懷遠堡民馮有樸即馮二寧妻年二十六夫歿矢志守節侍養翁姑皆登耄耋訓教子孫勤務耕讀子佐寅等力治農業克

懷遠縣志

卷四上

十七

振家聲

高蔡氏響水堡民高萬鑑妻年二十七夫亡堅心矢志苦節自持訓子陞級勤於耕讀

李吳氏懷遠堡民李德寬妻年二十七夫亡堅心守節教育三子世英世興世忠成家

陳郭氏懷遠堡民陳杰妻年二十五夫亡守節侍姑盡孝撫孤繼宗成家克安耕讀

潘薛氏波羅堡民潘朝清妻年二十六夫歿守貞奠姑撫子明入伍克承母訓老圖上進

朱邊氏波羅堡民朱表妻年二十五夫亡守節清白自持奠親盡禮子其雲入伍克遵母訓力圖顯揚

張單氏武生張晨妻年二十七夫歿守節孀居貞順矢志待親撫  
子孝慈兼盡閭里稱賢二子嵩琳毓琳俱入武庠克遵母訓志切  
功名

白宋氏波羅堡民白永德妻年二十八夫亡守節冰霜矢志子彥  
甫彥義遵訓力農孝友兼篤

邊王氏波羅堡外委邊印妻年二十九印隨征川楚陣亡氏堅貞  
夫節子未發入武庠投營當差點充外委

賈楊氏邑庠生賈九安妻年二十九夫亡守節繼姪旌德承嗣撫  
養卹勞墜貞勵志里黨稱賢

高劉氏響水堡民高周妻年二十九夫亡撫孤墜貞守節清白自  
操子萬清克遵母訓勤儉成家

懷遠縣志

卷四上

十八

吳思氏懷遠堡民吳生全妻年二十九夫亡矢志守節撫孤相奇  
成立

高高氏響水堡民高陞職妻年二十六夫亡亮節堅心撫孤成立  
長子聯斗入武庠次子魁斗入伍均遵母教奮志功名

曹高氏懷遠堡民曹生有妻年二十六夫亡撫孤守節勵志堅貞  
子連力由養母勤儉作家

李楊氏懷遠堡民李德全妻年二十八夫亡撫孤矢志閭里稱善  
子世和早歿繼孫成仁承祀

李朱氏懷遠堡民李登良妻年二十九夫亡撫子矢志冰霜子文  
連文詔遵訓守成兼篤孝友

吳黃氏響水堡民吳之秀妻年二十八夫故守節撫孤子尚位力

田勤儉遵訓守成

李雷氏威武堡處士李鵬年妻年二十八夫故貞心亮節堅白自持子作楹入泮食餼克承母訓志切功名

黃白氏響水堡民黃起保妻年二十六夫亡撫孤守節清白自持子步元力勤稼穡遵訓守成

曹邵氏懷遠堡民曹萬德妻夫亡僅遺一女守節堅貞因親疎支屬無可繼嗣贅婿養老

曹王氏懷遠堡民曹曰吉妻年二十八夫亡矢志守節持家勤儉教子有方子鳳有等克承母訓勤於耕讀

楊高氏響水堡民楊庫妻年二十八夫故勵志守節撫子成立子生林勤安耕鑿

懷遠縣志

卷四上

十九

屈王氏響水堡民屈明妻年二十五夫亡矢志守節清白自持子信克遵母訓耕讀守成

屈呂氏響水堡民屈生義妻年二十四夫故矢志堅貞侍養七旬翁姑婦兼子職閭里咸稱子者蘇克遵母教耕讀守成

彭廖氏威武堡民彭大金妻年二十九夫故孀居撫子節操自持子有林克承母教力田持養

解張氏威武堡民解連法妻年二十九夫故矢志守貞撫教二子自明自新成立力田養親克盡子職

李姬氏響水堡民李富妻年二十九夫故節操自持艱苦備歷鄉里咸稱子遇春等力治農業侍養無虧

杜王氏威武堡民杜玉帶妻年二十八夫亡氏勵志守節撫育四

子艱苦備嘗子厚培厚俸厚成厚信俱勤儉成家篤於孝友  
崔康氏威武堡民崔滿倉妻年二十六夫故守貞撫子歷盡艱辛  
子生保遵訓力農侍養無虧

白薛氏響水堡民白珠妻年十八夫亡堅貞矢志撫育孤幼守節  
五十八年子大喜力農生養死葬克盡其禮

任邵氏波羅營兵任連妻年二十二連隨征陣亡氏艱苦守節侍  
翁生養死葬克盡其禮子銀入伍

曹白氏懷遠堡民曹現龍妻年二十四夫亡矢志堅貞撫孤成立  
艱苦備嘗壽七十六歲終

單張氏威武堡處士單爾彥妻年二十七夫亡勵志堅貞壽七十  
三歲終子二自強自新俱國學生生事死葬亦稱盡禮

懷遠縣志

卷四上

二十

單王氏邑增生單爾璉妻年二十九夫故堅心亮節無教幼孤長  
子自明身列膠庠次子孟明勤務耕讀生養死葬堪稱盡禮以上  
俱道光十二年請旌

王陳氏響水堡民王貴興妻年二十夫故守節矢志堅貞撫育孤  
幼慈嚴兼備子林克承母訓勤於耕讀

李張氏響水堡民李芝妻年二十四夫亡守節撫育孤幼堅白自  
持艱辛備歷子繼祖克承母訓安於耕讀

詳請旌

以上俱道光九年詳請旌  
氏年未五十歲駁刪應補

王周氏威武堡民王天貴妻年三十夫亡堅志守貞撫胞姪王燦

為嗣茹荼勵節閭里咸稱

任劉氏波羅堡民任福泰妻年三十夫亡清白自操教子美服賈

成家次子玉入營為伍克遵母訓

李王氏響水堡民李生庫妻年三十夫故甘守節操堅白自持鄉里稱揚長子祥次子恭三子良俱安耕鑿篤於孝友

李袁氏響水堡民李文舉妻年三十夫亡苦志守貞撫子成立鄉党咸稱子生官安務耕鑿孝養無虧

方張氏威武堡處士方士林妻年三十夫亡撫孤苦節教子成名子丕與身列膠庠克遵母訓以上俱道光九年詳請時以夫故時年已三十歲奉敕刪除惟苦節守貞不可湮沒故仍載之

袁譚氏袁三存妻

牛左氏監生牛發智妻

張李氏張翻妻以上俱道光四年願道憲旌獎

懷遠縣志

卷四上

二十一

天生蒸民物則同好

盛朝聲教不阻偏隅何有明迄今忠孝節義所傳聞於人間者僅落落數人餘皆閨閣之幽貞也豈人彝天理今不如昔乎鬚眉不若巾幗乎良由地瘠民苦謀衣食之不暇耳况乎邊民真樸三代之直道猶存為之牧者多方扶植實意勸懲將所謂衣食足而知榮辱倉廩實而知禮節者可次第舉也是則余之有志而未逮焉

選舉

懷遠雖新設縣治夫非猶是鄉舉里選之區耶何以武職顯官尚不乏人而文職則寥寥也豈邊閩為用武之地而顧忽畧於文學乎是在讀書學古者勉而為真儒勉而為國士將必有功名懋於當時竹帛垂於來世者出於其間以鳴

聖朝之盛焉

進士

明

楊宗氣字鍾山縣屬清平堡延安衛人嘉靖二十二年辛丑科載人物志

張世烈字葵廷縣屬清平堡延安衛人隆慶二年戊辰科載人物志

懷遠縣志

卷四上

二十二

國朝

馬仲融字以和縣屬綏德衛人順治三年丙戌科載人物志

明

楊宗氣嘉靖十九年庚子科

馮時吉縣屬榆林衛人嘉靖四十年辛酉科官三原教諭

張世烈隆慶元年丁卯科

邰宗周字繼文縣屬榆林衛人崇禎 年 科官直隸永平

府通判

國朝

馬仲融順治二年乙酉科



馬如龍字方水光祐次子仲融弟康熙十一年壬子科官江西撫  
曹登霄字步雲乾隆元年丙辰科

郭維翰懷遠堡廩生乾隆十五年庚午科第五十八名官蒲城教諭

李逢泰懷遠堡廩生乾隆三十六年辛卯科第十四名官山丹教諭

高思蟾威武堡廩生道光十九年己亥科第三十一名

國朝拔貢

馬猶龍字水曰光稷次子仲融弟康熙十一年壬子科

馮開支清平堡人乾隆十八年癸酉科

梁峒響水堡人嘉慶六年辛酉科

李大成懷遠堡人道光五年乙酉科

高棊威武堡人道光十七年丁酉科

懷遠縣志

卷四上

二十三

貢生

雷翼極字象辰康熙乙酉年歲貢任臨兆府金縣訓導

郭巍然字峻山康熙年歲貢任直隸永平府教授

周兆虎字奇生康熙年歲貢任米脂縣訓導

任奇字九一康熙庚申年歲貢任西安府興平縣訓導

惠廣恩字康熙庚辰年歲貢

魯光周字仁西康熙辛亥年歲貢

白璉字宗玉康熙庚寅年歲貢官甘肅會寧縣訓導

錢應延字遐生康熙甲午年歲貢

馬震

康熙年歲貢官靖邊縣訓導

李原皋字陶喬乾隆元年恩貢

張大謨字虞載乾隆元年歲貢

郭加祥字申菴乾隆三年歲貢

任輔世字惠遠乾隆五年歲貢官登城縣訓導

遼國功字讓寰乾隆七年府學歲貢選岷州訓導未任病

惠琮乾隆十二年歲貢選石泉縣訓導未任故

楊著乾隆十三年歲貢

李作舟乾隆十五年恩貢

曹世昌乾隆十五年歲貢

雷潤極乾隆十六年歲貢官漢陰廳訓導

邊入式乾隆十七年恩貢

鄭重乾隆十七年歲貢

懷遠縣志

卷四上

二十四

梁兆海乾隆十七年歲貢官紫陽縣訓導

楊彬乾隆十八年府學歲貢

李天鍾乾隆十九年歲貢

雷士霖乾隆二十一年歲貢官安定縣訓導

楊淳乾隆二十一年歲貢

羅佩乾隆二十三年歲貢

馮開文又名君良乾隆二十五年歲貢官高陵縣訓導

柳日縉乾隆二十六年府學歲貢

邵宗雍乾隆二十七年恩貢

張俊乾隆二十七年歲貢

葉爾彩乾隆二十七年歲貢官城固縣訓導



胡大節

乾隆二十九年府學歲貢官延安教授

賀登雲

乾隆二十九年歲貢官華州訓導

楊如梅

乾隆三十年府學歲貢

孫光前

乾隆三十一年歲貢

雷文粹

乾隆三十三年歲貢

謝表象

乾隆三十四年歲貢官漢中訓導

謝表

乾隆三十五年歲貢官涇陽縣訓導

賀大猷

乾隆三十七年歲貢

高天植

乾隆三十七年恩貢

魏子正

乾隆四十一年歲貢

傅斌

乾隆四十三年歲貢

懷遠縣志

卷四上

二十五

鄭榮

乾隆四十五年歲貢

賀國寧

乾隆四十五年恩貢

謝珠

乾隆四十七年歲貢

雷士迺

乾隆四十九年歲貢官保安縣訓導

馮開桂

乾隆五十一年恩貢

戴有珍

乾隆五十一年歲貢官鄜州訓導

傅成珠

乾隆五十二年府學歲貢

胡杰

乾隆五十三年歲貢

傅成彥

乾隆五十五年恩貢

葉爾著

乾隆五十五年歲貢

雷士倫

乾隆五十七年歲貢

高尊周

乾隆五十九年歲貢

馮天運

又名天香

乾隆

年歲貢官高陵縣訓導

賈九霄

嘉慶元年恩貢

楊士業

嘉慶元年歲貢

劉建業

嘉慶三年歲貢

黃大成

嘉慶五年恩貢

高思謙

嘉慶六年歲貢

張錦

嘉慶七年歲貢

楊尊賢

嘉慶九年歲貢送朝邑縣訓導

楊明道

嘉慶十一年歲貢

孫登策

嘉慶十三年歲貢

懷遠縣志

卷四上

二十六

高登科

嘉慶十七年歲貢

張耀先

嘉慶十九年歲貢

賀允端

嘉慶二十一年歲貢

屈燦

嘉慶二十三年歲貢

何步青

道光元年府學歲貢

胡登魁

道光元年恩貢

葉重綦

道光元年恩貢

方澄清

道光二年歲貢

孫登閣

道光四年歲貢

姚如英

道光六年歲貢

萬象春

道光八年歲貢

梁椿年

道光十年歲貢

李作楨

道光十二年歲貢

沈大生

道光十四年歲貢

徐廷璧

道光十六年恩貢

李作樑

道光十六年歲貢

思維垣

道光十八年歲貢

陳開運

道光二十年歲貢

李傳心

道光二十二年歲貢

例貢

邵文蔚字雲章

年捐貢

李希天字聖修懷遠堡軍籍康熙六十年由附生捐貢

未設縣治之先向隸

懷遠縣志

二十七

延安府榆林衛設縣撥隸

李希賢字士修懷遠堡軍籍康熙五十七年捐貢六十年由監捐

貢未設縣治之先向隸延安府榆林衛設縣撥隸

陳開科響水堡廩生乾隆四十七年捐貢肄業官訓導陞教諭見文職志

郭廷秀增生乾隆五十三年捐貢

武進士

明

周一祥字瑞之萬曆 年 科

鄭進字 崇禎七年甲戌科

國朝

楊永祥縣屬榆林衛人順治十八年辛丑科歷任新安衛守備

陳維新字煥章縣屬榆林衛人康熙九年庚戌科任江南太倉衛  
李璉字華如縣屬榆林衛人康熙 年 科任直隸石匣營

守備

武舉

明

曹志科隆慶元年丁卯科

周一祥萬曆 年 科

鄭進 崇禎 年 科

田畬縣屬榆林衛人

王虎呂縣屬榆林衛人

郭江縣屬榆林衛人萬曆 年 科武副榜

懷遠縣志

卷四上

二十八

國朝

楊永祥順治十七年庚子科

陳維新康熙五年丙午科

王永相字良輔康熙八年己酉科官宜君營中軍守備

馬月山 延安志作馬日星 康熙十一年壬子科官建安堡守備

常茂勳字鯤翼康熙十一年壬子科官古北鎮潘家口守備

胡睿傑康熙十一年壬子科 舊志作康熙三十五年丙子科

邢啟明字旭初康熙十一年壬子科

方巖字武益康熙十七年戊午科

慕君祿字在中康熙二十三年甲子科

李璉字華如康熙三十二年癸酉科

白忠縣屬榆林衛人康熙五十三年甲午科  
楊大任縣屬波羅堡人康熙五十九年庚子科  
雷文耀字天霞乾隆三年戊午科第三十名  
馬爾傑乾隆三十年乙酉科第十一名

文職

明

張詢見人物志

楊宗氣見人物志

張世烈見人物志

國朝

馬仲融見人物志

懷遠縣志

卷四上

二十九

馬如龍生員光祐次子官江西巡撫見舉人

馬震猶龍子貢生任延安府靖邊縣訓導見貢生

馬益如龍子皆翰林入籍江寧益孫海田居綏德海子良相維楨

為綏諸生見綏志

白璉貢生任甘肅鞏昌府會寧縣訓導見人物志

任奇貢生任西安府興平縣訓導見人物志

王國鼎貢生任貴州畢節道副使見人物志

雷翼極貢生任甘肅臨洮府全縣訓導見人物志

郭巍然貢生任直隸永平府教授見人物志

趙試元貢生任延安府安塞縣訓導見人物志

任輔世縣屬波羅堡人康熙四十九年入庠當年補廩乾隆五年

歲貢十九年選同州府澄城縣訓導原係榆林衛學廩生設縣隸  
懷榆邑誤以榆林衛為榆邑治檄傳入籍稟訴榆林衛非榆邑治  
有案

邊國功縣屬波羅堡人乾隆七年府學歲貢二十年選甘肅鞏昌府  
岷州訓導告病未任

惠琮縣屬清平堡人乾隆二十五年歲貢選興安府石泉縣訓導  
未任故

雷潤極縣屬懷遠堡人乾隆十六年歲貢三十年選興安府漢陰  
縣訓導

梁北海縣屬懷遠堡人乾隆十七年歲貢三十四年選甘肅階州  
成縣訓導丁憂起服補興安府紫陽縣訓導

懷遠縣志

卷四上

三十

雷士霖縣屬李潮百戶人乾隆二十一年歲貢官延安府安定縣  
訓導

楊淳縣屬糜糧百戶人乾隆二十一年歲貢候選教職

馮開文縣屬清平堡程賢百戶人乾隆二十五年歲貢官西安府  
高陵縣訓導

葉爾彩乾隆二十七年歲貢官漢中府城固縣訓導

胡大節乾隆二十九年府學歲貢官延安訓導

賀登雲縣屬响水堡人乾隆二十九年歲貢四十七年選同州府  
華州訓導

賀大猷縣屬响水堡人乾隆三十七年歲貢候選教職

謝表象縣屬清平堡延安衛人乾隆三十四年歲貢四十四年選

漢中訓導四十八年到任五十三年告休見人物志

謝表府志作表乾誤縣屬清平堡延安衛人乾隆三十五年歲貢五十七

年送西安府涇陽縣訓導見人物志

戴有珍乾隆五十一年歲貢官鄜州訓導

馮天運縣屬清平堡翟賢百戶人乾隆年歲貢送西安府

高陵縣訓導

陳開科縣屬响水堡廩生乾隆四十七年捐貢肄業嘉慶五年八

月送秦州訓導七年二月調署河州學正八年四月調署循化廳

教諭九年七月丁母憂十一年九月服滿十二年四月送咸寧訓

導十七年十月陞臨潼教諭十八年十一月卒時年五十四歲

場尊賢縣屬清平堡人嘉慶九年歲貢道光五年送同州府朝邑

懷遠縣志

卷四上

三十一

縣訓導未任故

孫登閣縣屬响水堡人道光四年歲貢二十年就教候選

高集縣屬威武堡人道光十七年丁酉科拔貢十九年赴監肄業

候選教職

郭宏先縣屬威武堡人充榆葭道吏康熙四十三年十月二十四

日吏部驗封司考授從九品候選

安後縣屬懷遠堡人吏滿加捐道光十年分發廣西代理臨桂六

塘巡檢補象州龍門巡檢調龍勝廣南巡檢丁憂起復仍赴原省

十九年補思恩府司獄二十年卒於官

紀升縣屬懷遠堡人由喀喇沙爾吏滿議叙道光十八年送安徽

壽州正陽巡檢

武職

明

彭清 見人物志

宋浪臣 見人物志

鄭東懷 見人物志

鄭恭止 見人物志

王國正 見節婦志

謝戡 見節婦志

孫榮 見節婦志

王受璽 見節婦志

楊汝楫 見節婦志

懷遠縣志

邵宏烈 寧夏鎮副將

邵清鎮 靖營參將

邵宗禹 字繼夏 山海關守備

李輔廷 綏鎮總兵官 鎮西將軍

王大業 榆林鎮總兵官

李晉 榆林鎮總兵官

馬負龍 安邊營參將

徐從義 燕河副將

曹興 綏德衛後所指揮 曹春 襲職

曹廣 平夷堡操守指揮 曹義 襲職

曹安 响水堡操守指揮 曹勳 曹王 襲職

高極 見人物志

余林 見人物志

彭械 見人物志

王大瀛 見節婦志

張經 見節婦志

姬曉 見節婦志

楊坤 見節婦志

姜正 見節婦志

熊維藩 見人物志

鄭炆 見人物志

彭栢 見人物志

陶秉忠 見節婦志

張涑 見節婦志

王勤 見節婦志

王伸 見節婦志

王增 見節婦志



周全字大有綏德衛世職指揮

馮大標字棟宇懷遠堡操守遼東慶雲游擊將軍參將都指揮

邵森字蔚然懷遠堡指揮千戶

邵凱字秉然懷遠堡指揮百戶

鄭勇綏德衛千戶

鄭溫綏德衛指揮同知

鄭允山西大同營參將

魏廣漳閔衛管操同知

賀寧波羅坐堡榆林衛千戶

劉丙一波羅坐堡綏德衛千戶

崔維屏懷遠堡操守指揮僉事

懷遠縣志

卷四上

三十三

賀敬懷遠坐堡綏德衛千戶

袁登榆林衛軍政掌印指揮同知

王制懷遠坐堡千戶

郭禦武永盈倉署印百戶

蔡廣永盈倉大使

單昂永盈倉副使

盛成延綏守備都指揮僉事

吳深懷遠堡千戶

高墉懷遠堡千戶

朱顯懷遠堡千戶

李宏坐堡百戶

邱琳管操千戶

劉定延安衛坐堡千戶

申貴延安衛坐堡百戶

張英延安衛坐堡百戶

趙汝亮波羅坐堡百戶

楊廷琳懷遠坐堡延安衛千戶

趙大元延綏鎮管營都司

何汝崑懷遠坐堡榆林衛千戶

王世虎懷遠坐堡榆林衛百戶 崇禎十年任

潘經榆林衛守備

楊天祿榆林衛千戶

懷遠縣志

陳吉懷遠堡把總綏德衛指揮僉事

魯清綏德衛百戶

馬友才署遊擊將軍指揮僉事

袁登延綏左右遊擊將軍都指揮僉事

蕭卓守備懷遠堡僉事

杜宏域川湖雲貴河陝軍門副總兵都指揮

李奉中軍

李先謨中軍

鄭國清魚河坐堡綏德衛百戶

王陞延安衛指揮使

王佐懷遠堡正千戶

高 清波羅堡正千戶

趙 登波羅堡千戶

劉 建波羅堡千戶

吳 南波羅堡千戶

馮 禮波羅堡百戶

秦 伏波羅堡百戶

張 寧波羅堡百戶

鄭 寬波羅堡百戶

曹 伸波羅堡百戶

陶 世棟延西都使都指揮

李 聰懷遠坐堡榆林衛百戶

懷 遠縣志

卷四上

三十五

國 朝

馬 復融光祐長子官昌平副總兵

石 國璽官浙江温州總兵三等阿達哈哈番

馮 大柱見人物志

胡 茂楨見人物志

孫 喜策見人物志

李 毓采見人物志

朱 文華字射斗任湖廣黃州協副將

賀 喜字爵山任甘州城守參將

張 所榮字顯貴任四川成都營遊擊

趙 大鵬字賚侯任雲南永順鎮中軍遊擊

陳際龍字飛天任甘州提標遊擊

李萬鵬字雲初任雲南督標中軍都司

左成庫字集珍任陝西木瓜園守備

張文憲字所抱任陝西孤山堡守備

李孝字則舜任湖廣五開衛守備

李燦字煥如任江西洪岡營守備

王秀任固原提標左營遊擊

鄭朝報任甘肅平涼營遊擊

陳棟任七里關守備

梁起雲字虎山任湖廣思州衛遊擊

白大玉字攀龍任廣東碣石鎮都司

懷遠縣志

卷四上

三十六

徐有貞字慕遠任懷遠堡守備

白國印任安邊堡參將榆林衛指揮同知

定邊志作明代遊擊順治二年任

張大經定邊協鎮營左哨把總

袁斐然定邊協鎮營右哨把總

朱大壯定邊協鎮營右哨把總

劉丙喜定邊守備

郭標延綏靖邊遊擊

李宗唐協標千總

黃永臣屯田遊擊

俞國相中路監邊千總

黃奇漢磚井守備

薛南棠歸德堡把總 金川陣亡

陳尚品山西靈邱路都司署撫標遊擊

賀登朝隴州把總

王漢京桃明協副將

張明亮署鎮靖都司

柳成威延綏磚井守備都指揮僉事

陳世榮鎮標中營把總

郭聚寶瑪納斯協把總

馮大經都督僉事

蕭榮威武堡把總

張應魁西亭鎮威遠堡都司

懷遠縣志

卷四上

三十七

陳尚高鎮川堡外委

王凝義清水堡把總

王貴章永興堡把總

陳琮清澗經制外委

賀貞清澗經制外委

何其仁清澗經制外委

石元清澗經制外委

王登舉清澗經制外委

陳表留壩守備

賀萬年鎮標中營把總

陳尚連鎮標右營把總

潘禎神木營經制

楊懷廉响水堡經制

潘朝棟鎮川汛經制

張步月甘肅隆德營守備藍翎軍功

賀豐年鎮標左營千總藍翎軍功理甘肅西寧守備

宋應德響水堡經制

陳棟樺鎮標中營經制

鄉耆

張所蘊 字素極邑廩生鄉飲大賓

曹宏謨 字大典鄉飲介賓

李耀先 字炳吾監生鄉飲饌賓

懷遠縣志

雷贊極 鄉飲饌賓

錢應仕 字寰生鄉飲介賓

曹世昌 邑廩生鄉飲饌賓

謝安 鄉飲介賓

楊佑廷 鄉飲介賓

李登科 邑增生鄉飲介賓

邊瑛 鄉飲介賓

梁鳳 鄉飲介賓

萬象春 貢生鄉飲大賓

史廷璋 監生鄉飲介賓

謝永義 鄉飲介賓

邵文顯 字精斗監生鄉飲饌賓

李大成 字展也衛庠生饌賓

李宗先 字則吾鄉飲介賓

卷四上

三十八

曹一瑾 字懷廷鄉飲介賓

任輔世 字惠遠貢生鄉飲大賓

思鼎 鄉飲介賓

雷兆祥 鄉飲介賓

張耀先 貢生鄉飲大賓

劉殿甲 武生鄉飲介賓

思學清 鄉飲介賓

胡希增 鄉飲介賓

朱紳 增生鄉飲介賓

田清選 鄉飲介賓

馬耀龍 鄉飲介賓

思維垣 貢生鄉飲大賓

邊有年 武生鄉飲介賓

周登祿 鄉飲介賓

曹維清 鄉飲介賓

楊上棟 增生鄉飲介賓

李天爵 武生鄉飲介賓

孫守恭 鄉飲介賓

李爾堂 鄉飲介賓

思維寅 附生鄉飲介賓

李大恩 鄉飲介賓

張自喜 鄉飲介賓

李大成 字遜初 既青山道先乙酉科拔貢鄉飲大賓

賈旌招 邑增生鄉飲介賓

思萬順 武生鄉飲介賓

何元 鄉飲介賓

曹鳳來 鄉飲介賓

懷遠縣志卷之四

名宦

明

陶輔字公弼榆林把總正德四年寇大舉犯波羅韓家山輔隨總兵吳江往禦江素不滿輔令為前鋒而無後繼寇圍之數重江不救死之

野天爵榆林衛百戶戰死於波羅韓家山

劉縉榆林衛千戶嘉靖十三年隨總兵張鳳擊賊於爛泥海子兵潰死之爛泥海子即懷遠堡口外之那泥河也

景大學榆林衛百戶嘉靖十四年隨副總兵梁震追賊至爛泥海子力戰而死

懷遠縣志

卷四下

高儒綏德衛百戶嘉靖十四年隨副總兵梁震追賊戰死於棗茨梁棗茨梁即清平堡口外之棗茨城也

白世拳榆林人有膽畧嘉靖二十一年遁出懷遠為掠邊者所獲世拳殺三人遁歸總督疏上詔賞銀五十兩官百戶二十三年秋從指揮趨於文家岔敵人指世拳曰短身而長鬚非殺阿不害三兄弟者乎此報讐之時也世拳竟遇害贈武器將軍而同時戰死於邵家梁者又有奇兵中軍官陳鉄管同胡京陽艾潮王宗堯賀免災也文家岔邵家梁皆懷遠地

劉珍寬子綏德人以百戶署清平把總兄羊兒為指揮使嘉靖二十五年十月羊兒隨遊擊高極戰沒於陣珍往救之同時殉難傳潛綏德衛副千戶嘉靖二十四年戰死於懷遠堡





李祿榆林衛千戶隆慶元年戰死於懷遠塞外之青山嶮著奇節  
焉贈武畧將軍

梁璞字懷玉太師震之後威武堡守備素忠勇崇禎四年北人環  
攻璞出城戰死

王世欽字敬之太師威之仲子少歷戎行以功遷指揮同知清平  
恭將歷陞山海關南部總兵官崇禎十六年守榆林城陷被執自  
成欲用之不屈遇害

苗青榆林人任威武守備協力拒賊城陷同妻凡氏縊死  
本朝

張國彥京衛人幼習韜畧善騎射登武進士累功擢波羅營副將  
康熙十四年朱龍據定邊延郡州縣營堡望風響附國彥移書延

懷遠縣志

卷四下

二

綏鎮總兵許占魁約共固守賊欲攻鎮城以波羅未下畏國彥議  
其後乃悉眾赴波羅城陷國彥死之見通志

蘇其炤字臨九號燮堂唐而直隸林州人雍正壬子科舉人癸  
丑科進士乾隆三年任懷遠縣事十二年正月奉委協辦榆林縣  
事三月奉委兼署四月交卸回任縣自雍正九年由衛改設又以  
連歲荒歉民貧兵困其炤至既恤民艱兼籌兵食撫流亡多方  
賑貸復建倉儲興學校葺官署改祠宇十餘年間教隆養溢剔弊  
釐奸百姓殷實士風丕振纂縣志二十四篇後之治懷者咸得所  
考鏡焉後陞邠州直隸州知州

喻文璐湖北黃梅縣人乾隆丁酉科拔貢借補黃陂縣訓導俸滿  
保舉乾隆五十四年五月選授到任五十七年調涇陽慈惠明敏

事無壅蔽尤多聽斷才大吏特倚重之尋陞綏德直隸州知州  
竇琛扶風縣人乾隆五十一年丙午科舉人嘉慶三年任懷遠訓  
導平正通達教士以敦行立品為先性矜嚴以身立範雖處蕞爾  
邑局量規模不自狹隘俸滿以保舉知縣去

封錫

本朝

石尚劍以孫國璽官總兵贈三等阿達哈哈番  
石有恩以子國璽官總兵贈三等阿達哈哈番  
馬光稷生員以長子仲融官知縣封文林郎  
馬光祐生員以次子如龍官巡撫誥贈光祿大夫  
馬文科以曾孫如龍官巡撫誥贈光祿大夫

懷遠縣志

卷四下

三

恩廕

明

何承爵縣屬榆林衛人廕襲子某襲職千戶

張涑縣屬延安衛指揮經子龍襲職歷官協守宣府副總兵

梅楨縣屬榆林衛廕襲

袁世功縣屬延安衛廕襲

汪直縣屬波羅堡廕襲

孫贖縣屬綏德衛左所千戶榮子龍襲職歷官薊鎮總兵嘉靖中入  
衛值北兵犯畿輔戰沒鄭官屯

見明史楊選傳

本朝

胡其傑以父茂禎官提督廕阿思哈哈番

孫鍾以父喜策官副將廕拜他喇布勒哈番

孫承勳鍾姪以祖喜策功襲鍾職授三等侍衛任北直樂亭營守備陞大同遊擊

左鳳翔以六世祖成庫守備職承襲恩騎尉

左登相以七世祖成庫守備職承襲恩騎尉

薛豐年以父甫棠把總職承襲恩騎尉

薛挺葵以祖甫棠把總職承襲恩騎尉

### 紀事

明正統中都督王禎建沿邊墩台衛堡倉城控制邊鄙

天順六年套寇擾邊巡撫王越撫寧侯朱永遣都督僉事靖虜副

將軍許寧及遊擊孫鉞禦之至波羅堡相持三日夜寇乃解去

### 懷遠縣志

卷四下

四

成化二年毛里孩入河套出沒塞上虜掠不休將軍楊信總諸鎮兵擊之於狄青原寇錯愕盡棄所掠人畜渡河遁去

七月三月套寇阿羅出以萬餘騎分掠懷遠諸堡撫寧侯朱永總督等分兵設伏敗之追至山口及深忽都河寇敗走以王越總制三邊

八年巡撫余增修沿邊三十六營堡今懷治有其五又疏修築邊牆東自清水營紫城砦西接寧夏花馬池東西二千里因高山陡崖形勢下厚者剷削衍者累築為城綿延相接每二三里建敵臺墩若自是寇益稀至又修懷遠西關一路石砦疊石砌築高牆遂成險要賊至不敢仰視至今傳為余公砦是也

十二年十一月乙丑波羅堡有星二形如輻軸一墜樊家河一墜

本堡紅光燭天

嘉靖十三年三月乙酉吉肅犯响水波羅堡參將任傑擊敗之  
十九年套人入榆林砦破清平堡延綏總兵官周尚文駐兵狄青  
原擊之以捷聞

二十五年冬十月丁亥俺荅犯清平堡遊擊高極戰死

四十五年巡撫王遶念中路清平孤險增兵屯守

隆慶元年懷遠諸堡旗杆戈戟火出有聲

五年巡撫邵先重修大邊自保寧至波羅東西三十里

萬曆九年靖邊兵備道明吾文公修清平水口即今之烏龍口也  
有禮部尚書于慎行記

二十四年清平參將公署房脊瓦獸吐火有聲大門石獅亦吐火

懷遠縣志

卷四下

五

三十年間巡撫劉敏寬破猛克什力於響水明年破於保寧又明  
年破於懷遠又奉政陳長祚與巡撫規畫機宜靡不奇中因報三  
大捷朝廷頒金幣之賜會推巡撫祚曰急流不可不勇退也遂致  
仕爰以所賜金建關王廟於懷遠之東二十里顏曰三捷關即今  
之所呼斬賊關乃音傳之誤耳

三十七年冬沙計及猛克什力犯波羅延綏總兵官張承蔭遯却

之四十年沙計復入塞承蔭遮擊之响水斬首七百餘級

四十二年九月地震

崇禎八年夏賊復入陝西巡撫洪承疇檄延綏東路副總兵

詔會師剿賊文詔偕從子變蛟夜過五峪寇伏險以誘文詔擊敗  
之進至波羅變蛟統銳師在前文詔殿後賊復從中起截官兵為

二轉戰至三水縣之嶽頭原力竭自刎

十七年三月十九日流賊李自成犯京師帝后崩

附

李自成小字澄生米脂縣人居於懷遠堡之李繼遷寨父守忠無子禱於華山夢神語曰以破軍星為若子母呂氏懷遠堡人生自成時夢一冕旒如帝者旁有二貂蟬翼之而進因名自成為皇來子時萬曆二十五年八月己巳之酉刻也生而穉惡好使酒任氣鄉里苦之二十一歲應募銀川驛馬夫因學弓矢習騎躬時供郵傳崇禎元年延安大飢諸賊蜂起兵科給事劉懋上言裁減驛站凡游手之隸籍驛遞者多亡去自成亦復無聊始為小偷鄉里更苦謬推為里長使主徵會以自給值催科甚迫縣令答之加以桎

懷遠縣志

卷四下

六

自成脫去竄入綏德左掛子苗美隊中號為闖將巡按御史李應期至綏德偽設鴆誘降賊苗美左掛子斬之自成由河南入秦十一年自洮州出番地總兵官曹變蛟追破之復入塞走西和禮縣巡撫洪承疇會師變蛟大破賊於潼關自成以數騎遁十三年自成自湖廣走河南飢民附之遂陷宜陽永寧偃師勢大熾十四年陷河南攻開封鄧州楊文岳總兵官虎大威擊敗之復陷葉縣陷南陽連陷洧川許州長葛鄆陵與羅汝才合兵攻開封府十五年楊文岳援開封府賊解去南陷西華又陷陳州歸德復圍開封決河灌城城北復陷汝寧襄陽據之十六年正月李自成陷承天三月殺羅汝才而併其眾遂陷潼關及西安延安榆林是時賊將守榆者王佷智後賊帥高一功殺王佷智代之十七年陷汾州攻代

州賊別將陷固關犯幾南自成陷寧武至宣府太監杜勳等降賊遂入關陷昌平犯京師城陷是年夏四月

清兵大破賊於山海關追擊至灤河驛又大破之賊竄京師縱火焚諸宮殿燒九門西遯追奔至保定奮擊破之又追破之於定州北自成中流失墜馬掖而上晝夜兼馳度固關入山西至平陽分兵守山西諸隘清師踵躡及之於西安清師以鐵騎衝賊大潰奔商洛南竄陳州至九功山下所存者數騎耳為村落民擊之不知所終時為

國朝順治元年也冬十二月

清兵渡河從鎮川溝南取西安分別部唐通姜壤諸師收榆中二年正月十四日賊將高一功拒戰於常樂敗奔響水十六日清兵

懷遠縣志

卷四下

七

入城安撫姜壤追至波羅又大破之高賊遁去

按懷遠堡城南三十里曰石碑子又南十里曰吳家岔中界米脂之李繼遷寨水溝繞隔錯如犬牙為懷地為米地山徑叢雜殊難識別自雍正九年設立懷邑分疆畫界於是李繼遷寨之為米脂地遂劃然不混民居十數家高姓為多李姓為少邨設燒鍋由米邑稽查懷邑不得過問則李繼遷寨之隸米邑更曉然矣地既隸於米邑則李自成事懷志可不列然明史及鎮志載有李自成米脂人居於懷遠堡之李繼遷寨一語不附記以置辨證府證府志不列自成事蓋深悉李繼遷寨之非懷遠地云

### 兵制

延綏各衛設官編士始自明洪武初有投誠歸附者有擊敗收集

者有本地選充者有別籍編撥者又有一種賴字號軍蓋天順初陝西叅將李源清出各衛遠年無勾之軍悉發榆林衛編伍謂之老軍又成化十二年巡撫余子俊奏設備冬軍綏德衛一十二隊共六百四十四名延安衛一十九隊共九百五十三名每年十月初一日到邊備冬次年三月初一日疎放農作嘉靖二十四年巡撫張 題留本衛操練以備征戰謂之屯軍今之所存大抵屯軍居多總之邊兵皆世軍充伍故驍勇強壯遇敵敢戰爭先古稱最勁焉迄

國朝昇平日久屢經裁汰惟波羅一營尚存其舊其餘營堡止存守兵而已即如朔制波羅營原設軍丁并守瞭軍共八百二十八名 國朝裁守瞭軍設馬兵二百名步兵二百五十九名守兵

懷遠縣志

卷四下

八

二百名共六百五十九名後復裁汰尚存馬步守兵共六百五十一名改設營制額設馬步戰守兵四百三十五名懷遠營原設軍丁并守瞭軍七百八十六名响水營原設軍丁并守瞭軍六百四十名清平營原設軍丁并守瞭軍二千二百二十四名 國初裁減之後盡裁瞭軍懷遠營尚存守兵一百一十名後存九十名又改存七十六名响水營尚存守兵一百名後存八十名改營為汛額設四十五名威武營尚存守兵五十名後存四十名道光元年改設營制官兵俱裁清平營尚存守兵一百名後存八十名改營為汛額設二十三名新疆換防即於各營汛揀調夫沿邊重地也邊重地也邊防邊之兵胡以由多而減少也兵少則似不足以守而懷响威清四堡

之兵則少而又少而又裁之減之所為守邊口守塘汛坐堡守城者不過寥寥數人而地方日以寧謐奸匪日以無聞益以見盛朝之聲教暨訖中外一家豈尚德輝而不尚武備耶

郵驛

邊郵東由山西大同以達於京師西由寧夏甘肅固原安西道於準噶爾貢道差使往來本章文告絡繹最為衝要舊制四十里或五十里置馬一棚每棚馬不下四五十匹更於每二十里置協濟馬十餘匹以至二十餘匹不等名曰腰站俱城堡廳員經管雍正九年始改歸知縣經管響水正站馬三十匹十年添十匹波羅腰站馬十七匹十年添五匹縣城腰站馬十七匹十年添五匹劉家坵正站馬三十匹十年添十匹蘆溝腰站馬十七匹十年添

五匹黑河腰站馬十七匹十年添五匹自乾隆元年軍興撤腰站盡裁大棚馬亦減少縣驛止存大棚六所一曰縣城站縣東五十里曰波羅站又東五十里曰響水站縣西四十里曰劉家坵站又西四十里曰蘆溝兒站又西出口四十里曰黑河子站每棚僅存馬十餘匹以至二十匹而止共馬一百一十五匹內老塘馬五匹五匹每馬日支工料銀陸分肆釐外備銀壹釐肆毫壹絲玖忽叁纖陸塵壹渺伍漠陸沙又新塘馬三十五匹每馬日支草料銀陸分肆釐加增銀貳分壹釐外備銀伍釐伍毫伍絲又將軍需驢頭以二驢易一馬共易馬二十五匹每馬日支工料銀陸分肆釐加增銀貳分壹釐外備銀伍釐伍毫伍絲共喂馬夫五十七名半每名日支工食銀叁分其驛站一切銀兩向無額徵驛站而地丁不



敷留支乾隆四十四年以前俱在驛道庫內請領惟驢易馬工料銀兩在藩司庫請領乾隆四十五年均改在臬司請領嘉慶六年改在藩庫請領統於年底按日報銷夫以一縣之馬東接榆林之歸德驛西接靖邊之石渡驛綿亘幾三百里脫經理稍有不周將見草料扣短吊飲非時鞍屨不備寒暑失護奔驟後之失理驗疾醫藥之不能先時驛務幾何其不廢弛也至於小而日逐飛遞公文時刻有限大而應付 欽差貢使措辦倉猝使非司驛者平日悉心籌畫緩急預備臨事親身料理輕重得宜而欲其不悞事不忤人也得乎

邊外

邊外五十里原為中國禁留之地康熙二十一年貝勒達爾奏乞

懷遠縣志

卷四下

十

近邊四十里之外准其遊牧三十六年貝勒松拉普奏請准與內地民人合夥種地開邊之由自此始矣五十八年貝勒達錫卜坦請定地界命侍郎拉都渾踏勘即於五十里界內有沙者以三十里立界無沙者以二十里立界界內之地准民人租種每牛一具准蒙古徵粟一石草四束折銀五錢四分至雍正八年經理藩院尚書特古忒奏五十里禁留之地何得蒙古收租議令徵收糧草歸地方官貯倉十年鄂爾多斯荒歉復准蒙古收取租銀乾隆元年和碩莊親王議准總兵米國正條奏蒙古情願招民人越界種地收租取利者聽其自便從此內地民人以口外種地為恒產蒙古亦資地租為養贍乾隆八年命總督公閣部堂慶復兵部尚書班第臨邊定議永遠章程無論界內界外俱以舊年種熟之地為

界任民耕種界內者照舊租不加其界外者每牛一犍除舊租糜子一石銀一兩之按上云租銀五錢四分此云銀一兩以元年例取利者聽其自便也外再加糜子五斗銀五錢其他界安設標記嗣後如民人有越界耕種蒙古私自勾引越界開墾者應先查禁設神木理事同知一員專司稽查牛犍及一切鬥毆逃盜在爭等事同夷漢部郎輪流巡查就近辦理完結其命盜重案則令部郎會同巡道仍照舊例辦理又每堡各設總甲一名牌頭四名令其不時稽查稟報一切事件由是而事有專責中外民人無紛更滋擾之患矣道光十七年復於牌界以內地畝報招內地民人租種每犍每年租銀五錢糜子五斗獲利更多蒙漢兩益如有負租者官為嚴追有剝般蒙古者援遠年債務一本一利之例速為判結則相安無事可長享其利也 按邊外有

懷遠縣志

卷四下

十一

所謂伏盤者民人出口種地定例春出冬歸先議秋歸後議冬歸暫時伏聚盤居故名之猶內地之村庄也有所謂黑界者定例五十里立界壘築石堆或土堆以限之謂之黑界言不耕之地其色黑也又謂之牌界以每堆有牌編號誌地蒙員收掌查界則植杆挂之也

蒙古

鄂爾多斯隸理藩院蒙古四十八家之一也其部落有七曰鄂套曰武勝曰五勝曰扎薩曰準噶爾曰打拉特曰杭蓋又名杭錦曰郡王東自歸化城西抵寧夏與懷遠邑接近者則五勝貝子拉特色楞其人類皆顴凸睛黃不知鹽澉沐浴聯氈帳以為居室築柴薪以作垣墻冬夏皆毳服狐羊之裘當暑即以代締絡婦女亦被髮而冠戴跣足而着鞮所飲者奶酒酪醬所食者羶肉炒米年未六

十髮髮輒白齒輒脫落耐寒暑苦勞其俗無男女食息眠坐混  
於一塌而不以為嫌其情性自率其真不知有主客禮容張幕於  
其地見輒趨入乞於乞茶葉食物坐而貽與之乃喜而去且德之  
而不忘客至其幕亦徑入有茶酒且啜有肉食且啖而不怪夜宿  
毳圓前所騎驃馬主則代易牧失則愿償其文蝌蚪似近清字者  
其政無刑量罰贖有盜牛馬牲畜者贓一罰九殺人如之之然犯  
者頗少夫毳裘君長非有禮樂政刑之教也乃其習俗樸厚如此  
足徵我

朝德化尊數無遠弗屆邇隆之象不以華夏而或間矣

附載

創建學宮碑記

懷遠縣志

卷四下

十三

懷自雍正九年改衛為縣即議建

文廟定制也廟之有大成殿兩廡櫺星門戟門禮門義路啟聖殿  
尊經閣明倫堂鄉賢祠名宦祠以及月臺泮池丹陛院墻亦定制  
也工程可謂浩大矣需材木物料不為不多矣乃沙漠之區不產  
木植諸凡物料倍貴尋常而原估工資又止一千五百五十餘金  
無怪乎前任諸君袖手以待祀典久湮也夫孔子之道配天地而  
統帝王故雖經漢魏隋唐之攘亂以迄共王之毀宅秦政之焚書  
而君父子臣之義華夏中外之分愈微而愈顯愈晦而愈明况懷  
新改縣治易戎馬而文教儼然邑也兼以

聖天子重道佑文禮樂詩書之化無遠弗周豈可任釋奠之無地  
甘以沙漠荒煙外孔子之道也乎戊午季春昭來蒞茲土不禁咨

嗟太息坐欲頽 帑鳩工又苦從前估領之項已為前任所虧兼  
以己未庚申連遭荒歉議蠲議賑數載始復瘡痍聞甲子詳允另  
撥帶項即於是年秋月經始購料至乙丑秋月告成計其實已逾  
二千一百金有奇除准銷 帑金一千三百七十餘兩長費銀七  
百餘金皆炤飲冰茹荼數年廉俸所捐也計其規模殿廡閣院一  
遵守制但尚樸素渾堅不崇纖巧雕飾自茲伊始吾願諸生肄習  
其中者尊聞行知去浮務實修明體達用之學絕玩愒淫匪之私  
庶乎邊鄙之區其明乎孔子之道之大而為  
國家作人慶也豈徒瞻拜崇祀之典已哉己巳春仲同官訓導張  
元臣典史李燦如偕縉紳鄉士李希天雷兆祥等請勒瑣珉以誌  
廢興所由炤不敢辭爰述以為記

懷遠縣志

卷四下

十三

創建懷陽書院碑

乾隆十四年

訓導

張元臣

古者國有學虎有序術有序其所以育人材而培國脈者至周旦  
備一時之多士處則為醇儒出則為名臣淵源蓋有自也我  
朝菁莪樂育文教丕興自京師以及省郡各設書院廣儲英才諸  
生以時尊師取友敦品立行由是文藝發於性情德業著為經濟  
將見士習醇良人文彬彬蔚起焉懷邑新設縣治僻處邊隅多士  
亟待於觀摩學術急需乎培養而書院之舉誠不可緩也幸逢  
邑侯蘇公締造厥初勵精

國事生聚數年教化數年已覺風移俗易而更以提衡文學為兢  
兢慨然捐資首倡諸紳士之嚮風慕義者踴躍偕作庀材鳩工而  
規模以初講堂三楹正房三楹頭門三楹東西廊十八楹共費四

百餘金公實力任其半而李子希天希賢昆季雷子兆祥邵子宗  
雍則首事樂助以率同志而勦厥成丙寅初夏建造仲秋告竣顏  
之曰懷陽書院邑之士類造就始有其地矣余於丁卯歲司鐸來  
邑每一晉謁公輒以延師講學膏火無資致念躊躇夫一夢永逸  
可垂久遠之策適民人有鬻田者公復捐俸金置田四百餘畝為  
書院公費之資且出修金延師掌教李子雷子又欣然助之邑之  
儒士有欲砥節勵行者有欲收舉子業者胥知樂就裁成後先於  
門牆之內下之為邊隅維士氣上之為王國作人材此一時盛士  
實千百年鉅典也余不敏惟願邑中縉紳士夫龜勉從事以善於  
後大其規模濶其資斧俾人文蔚起勿替引之而懷陽書院庶幾  
與虎庠術序共垂不朽云

懷遠縣志

卷四下

十四

重修城隍廟碑記

丁卯科富  
平縣舉人權 鏗

懷邑舊置衛所五堡各祀

城隍廟自雍正九年改設縣治而縣城之廟又實五堡之保障矣  
建於成化年間僅有正殿三楹寢宮三楹兩廡六楹規模狹隘兼  
之歷年久遠風驟而馳墻垣傾圮金相黝堊每切黍離之嘆設縣  
之初當事者援例議修止佑 帑費百金工繁資倫式廓維艱是  
以數載因循卒無任其事者聞乾隆戊午春 邑侯蘇公來蒞茲  
土下車瞻謁之餘輒為之觸目怵心乃稽縉紳耆老僉謀鼎新捐  
俸為倡務期高大弘敞以妥

神靈爰以紳士李子希天希賢雷子兆祥等首事董率俾總厥役  
一時之敦善者踴躍鼓舞衆擎樂輸合湊四百餘金以廣公帑之

用於甲子秋月次第鳩工閏戊辰夏間告竣補葺增高正殿寢宮  
兩廡外創建司饌所各一楹山神祠土地祠各一楹禪房左右各  
三楹大門一楹樂樓三楹鐘鼓樓各一楹製造鐘鼓以備報賽內  
外垣墻埤院煥然一新瞻廟貌之肅穆觀法像之莊嚴雖曰重修  
實同鼎建允克豎新邑之鉅規以宏 國典於靡既豈不休哉今  
而後

神慶那居遐福誕降民安物阜時和年豐洵哉全邑之靈承有自  
五堡之保障無窮何非 蘇公之經營所惠與諸君子共濟之美  
也鐫叨登丁卯鄉薦為 蘇公門下士因公車假道於懷得觀治  
化窺見公之箴制立法湛恩惠政指不勝屈而此特其餘耳邑之  
士君子將鐫碑垂久以志其感求言於余余不敢以不文謝爰齊

懷遠縣志

卷四下

十五

沐再拜而為之記

創建各堡窰倉記

邑知縣 蘇其煊

國家常平之設以充裕為尚價賤則貯之官價貴則散之民以平  
市價以濟民食法至善也况屬邊地風高土燥雨暘易愆豐歉相  
間雍正九年設縣之始五堡額貯倉穀僅二千餘石民食兵糧何  
恃以無恐余於乾隆戊午春承乏茲邑己未庚申兩遭饑饉賑貸  
乏糧以 帑金代給而米貴如珠民仍艱食是皆積儲無備之故  
也然積貯之法必以經理倉廩為要而懷地創倉則有甚難者沙  
漠荒區不產材木每遇構造運費倍於木價邊末之員安能勝此  
賠累是因建倉之難雖奉採買積糧之文而貯蓄無地以致束手  
莫措不敢多糴坐視空虛實勢使然耳幸

聖明福佑無遠弗敷辛酉至今連年大有余奉檄設法廣為購買併遵例收捐米粟糜計七萬有奇每苦倉敷無多即賃借民房房寺宇而敗壁頽垣露罔堪慮於甲子歲添建房倉二十間尚不敷貯後計增修而購買木植委屬萬定例估計止有此數晝夜夜籌畫因狃為窰倉之制庀材無用砌磚成窰高一丈三尺廣一丈二尺深二丈上蓋氣樓下留風洞俾無氣蒸潮濕之虞每窰可貯糧千石不惟較房倉稍可節省公項且能堅固永久一勞永逸爰詳悉繪圖贅說以請蒙

各憲嘉悅 題允於乾隆十一十四兩年在各堡陸續捐建窰倉四十二洞可貯糧四萬二千餘石合之舊有房倉足敷儲蓄從此紅朽無虞豐歉可備於邊地民食兵糧實有裨益工竣而泐諸石

懷遠縣志

卷四下

十六

豈敢師心矜異哉亦聊以志余司牧十餘年之苦志也云爾

重建縣署記

邑知縣 蘇其炤

古帝王無逸作所惟念民依雖茅茨土階安之若素况職司民牧而侈言堂構謀及棲身則何為者耶然公宇者臨民布令宣化承流之所也使以傳舍視之聽其屋壞垣頽不加之意是又何心哉戊午春余奉命茲邑下車進署古屋數間殘梁欹壁是冬地震朽拉枯摧幾乎不蔽風雨即欲請 帑而鼎新之議者謂數載積逋經理未清連年荒歉瘡痍未起時絀不可舉盈也幸際

皇恩憲德議賑議蠲民斯安業更四比歲次辛及壬時和年豐回郊畧覺輯寧庶政畧覺就理余乃鳩工經始先建本署及六房班房監獄次及雋學齋典史衙癸亥仲夏典作甲子初夏告竣共准

銷幣金七百二十餘金雖無畫宇雕簷而規模粗整整之白叟黃童瞻仰生敬始知公府之嚴官長之尊也今而後臨民布令有其地承流宣化有其儀吏振其職民樂其成而豈僅曰棲身謀已哉

建置關帝後殿記

邑鄉飲雷兆祥  
賓陪貢

稽古聖賢亭

國家之血食而追崇遠及於所親愛里社之明禋而靈爽不遺手  
華夏者惟

忠義神武關聖大帝為然邑城外南山舊宇古剎也向無後殿逢時祀置布幔設位以祭獻享無其位升降無其階夫亦褻慢之甚矣嗚呼 關聖大帝在天之靈常存宇內雖不以此為重輕而承

懷遠縣志

卷四下

十七

祭者詎亦知先王以神道設教凡以攝人心而昭憲典即一祭也版祝犧牲萬民於此識誠敬進退周旋萬民於此觀禮樂奈何有其舉而或廢也邑 父母蘇公惻然念之躬率士商鄉耆卜吉締造鳩工命匠廟貌一新內供 關帝三代神座牌位春秋時祀以及五月十三神誕致祭於其中俾沙漠荒區奔走俎豆於其下者咸曉然於 國典之重而生誠敬之心欣然於共虔之節而知禮樂之盛則其所以寓教化於尸祝之間維邊俗於太平之治者其功豈淺鮮哉若夫肅穆森嚴神欣人悅妥靈而式後奠疆圍於金湯殷薦而降祥錫阜成於民物是又感應之理有固然者邑之父老子弟感之深而欲銘諸石命兆祥為記爰謬抒所見以孚眾志文之工拙豈暇計哉



方言字義

承 音鑽去聲水入土也

卡 音頃食在喉中上不上下不下也  
今伏路兵亦謂之卡

井 音同入井也

因 音同土入口也

臭 音進火炒豆則進也

蹙 音班俗以為文武全才也因有取為名者

塚 音蛙去聲山之坡下處曰塚

垸 音同牛之耕地曰幾垸三畝為一垸縣俗  
量地不謂之畝而曰垸

吉 音同土開口也

莖 音野同

懷遠縣志

有 無同

卷四下

梁 俗呼山脊曰梁

十八

奎 與漫同水冒土上而流也

來 音同三人不出頭也

闌 音鑽同身入門中也

戩 俗謂等拜之等他州亦有作此字者

身 音掙能自立身也劉琦見宋史人名

峒 音卯山之岡坡皆謂之峒縣城外有暖水  
峒音煙兩山中臨溪之小徑也清平堡有虎

坪 音是 山之平地為坪縣內有屈家坪王家坪者

扒 音參救麥仁也

銖 音釘同

闖 音撞上聲俗解馬入門也又勇進貌故李自成名闖將然據兩山墨譚引文伯之母李康  
子之從叔母也康子往馬關門而與之言注以為闖謂之關門也今按闖者馬不出門之  
貌此見國語乃是闖門說文曰闖門也公門為聲顧元慶曰

船門曰馬門蓋闖字之分也引音而現曰闖則撞音非

碼 俗以碼碯之碼為法碼之碼又騙人曰碼騙是  
碼馬扁之訛

稊 音然俗用麥稊和泥塗壁謂之稊草

砭 臨河兩岸高處之石路曰砭縣西關有余  
公砭

岔 兩山之分處也

炕 砌石為林燃火禦寒

爺 俗呼祖父曰爺爺

爸 俗呼父曰爸

婆 婦人過門稱娘曰婆婆女巫亦稱神婆婦生  
產任看護者呼月婆

媽 音罵俗呼母曰媽兒初生傭婦哺之呼曰  
乳媽

娜

磊

窰

塢

菱

喜

刃

爹音顛俗呼生父曰爹爹

娘呼姑曰娘

娃呼小孩曰娃娃

姪俗呼舅母曰姪子

晌俗稱午曰晌又午之前後曰前晌

扯以手分擘物件曰扯

捏音聶以手握物曰捏

掏音叨從衣袋中取物曰掏

捶錘擊物也打人亦曰捶

蹠音才踏踏物曰蹠

吃達亂說也

### 懷遠縣志

暹暹 上音先下音生俗呼賢者之能暹

圪塄 山之窩處也

圪塄 小崖曰圪塄

圪臺 俗呼階曰圪臺

冷雨 俗呼雷雨為冷雨亦曰冷子

鬻鬻 音邑怪俗呼大閩女曰鬻鬻

克搜 小猪性多淫初未去其淫具而尚未肥

拜身 盟兄弟之稱也

鐵銑 俗稱鐵錐曰鐵銑

甑片 以秦杵編作圓式置鍋內蒸食物者也

言唁 說話也

奶音奶俗呼生母曰奶奶

姨俗呼母之姊妹曰姨姨妻之妹

兒呼小孩曰某兒

耩音講俗呼耒耜曰耩子

刁強取物也

拉以手牽牲畜曰拉音腊

拴以繩牽牲畜曰拴

揣以手捫物曰揣

撈水中取物也

踢脚擊物曰踢

嶮嶮山之過峽處也

### 九

圪塔 小山相連突起之名又凡物凸者皆曰

圪塔 地中低凹曰圪院

圪峁 山崗之小者也

圪梁 俗呼山脊曰圪梁物之凸起而長者亦曰圪梁

山現 日暮雲影作山川草木或樓台殿閣形者曰山現預主降雨

挑擔 兩婿相謂為挑擔

特穿 音不勞小牛也

先後 兄弟之妻俗呼曰先後

巨羅 俗稱柶捲曰巨羅

吉吉 一作圪坵音格喇物有裂縫也

這搭 言此處也

殘吞 老大不才也

蚱蜢 神名即蚱蜢

俊俏 謂女人之美麗也

不當 可憐也

韃子 呼蒙古人曰韃子女曰韃婆

排子 邊外牌地

頗煩 心中不快也

扑扌 音不喇以手捫物也一作以蜡

灑刻 現時也

悄悄 靜然不言也

草地 邊外蒙地水豐草美宜於畜牧故呼之曰草地

後套 言河套以後之地也

諺語

一家十五口七嘴八舌頭他要喫鷄蛋我要喝燒酒

頭九二九不算九三九四九凍死狗五九六九水走浮頭七九八

九開門大走九九又一九犁牛遍地走

小雪流凌一月冬四十五天定打春

懷遠縣志

卷四下

二十

一年打兩春黃牛貴如金

過一冬長一針過一腊八長一鋤杷

天上三環套地下人頭拋

有錢難買五月旱六月連陰喫乾飯

日落烏雲帳半夜裏聽雨響

天有不測風雨人有不測禍福

大家擻靠倒了鍋灶

梢翁置的河灣地水上來水上去

為人不做虧心事那怕半夜鬼叫門

響水堡的橋濫泥灣的窩

前門裏走了虎後門裏進來狼

前婆婆養兒後婆婆福

巴結有錢的怕的會孝的欺負可憐的

一日夫妻百日恩百日夫妻如海深

真金不怕火煉好婆娘不怕人看

天要下娘要嫁十人五馬留不下

官打民不羞父打子不羞

先人栽樹後人乘涼

好雨下在沙灘裏

好漢做事好漢當

好漢怕賴漢賴漢怕死漢

前怕狐子後怕狼

懷遠縣志

卷四下

三

不受苦中苦難為人上人

跌倒要自家緣起

蝎子尾巴後娘的心

一鍋費水兩鍋費米

打倒大樹有柴燒

瞌睡了等個枕头兒

好兒不在多一個抵十個

膏街蓋不起猪窩

一箇老鼠壞于一鍋湯

當一日和尚撞一日鐘

女大不離娘子大不同床

要知朝中事便問鄉裏人  
親不過姑舅香不過猪肉

雞不和狗鬥男不和女鬥

各掃門前雪

上坑夫妻下坑君子

日日丹不出三

跋

志以傳言而不傳疑也使操筆者或妄摭浮說以誇其盛或侈崇  
藻采以矜其華將繁編累簡無裨於政體無益於風教是我自授  
其可疑之端又胡以信於今傳於後而為不朽之言乎惟吾邑

懷遠縣志

卷四下

二十三

父母蘇公以明體達用之學發而為經世宰物之猷自戊午下車  
以迄己巳一十二載以來久而不倦舉凡體國經野養士臨民勸  
善懲惡興利拯災者無往而非實心實政今讀縣志所載凡二十  
四篇一一皆道其已經抒其胸臆故簡而切中約而已該不摭浮  
說不侈藻采倍覺信而可徵馴而可誦矣夫懷固樸魯之區也

公即以至誠之道治之以至簡之文化之所謂修其教不易其俗  
齊其政不易其宜者豈其然歟我懷紳士感 公之 教而

公之志靡不了然於心目讀 公之志而 公之政教愈覺燦然  
於典章也斯志也信之於今傳之於後其殆與 公之善政善教

永垂不朽云 昔

大清乾隆十有四年己巳仲春邑治附貢生李希天敬識

懷遠縣志贊言

穎笙曹思聰

蘇公燮堂作懷遠縣志於乾隆十二年當時縣治初設規模甫具  
穉形足徵苦心孤詣深闢世教民風迨道光癸卯浙東何公保如  
以名進士來宰吾邑際海內救平文教斐然於庶政公餘就十數  
寒暑耳濡目染者諸訪搜羅纖細畢舉計成四卷二十三篇簡明  
賅實剴中精要洵文雅名俊幸成未有之觀百年來邑之人士咸  
奉為鐸燿版初藏於縣衙中經同治回亂焚燬蕩然一篇之存先  
緒戊申李令仁山偶獲是志於長安書肆携之北返邑人咸欣名  
珠出海亟藏於縣高小校圖書室內民國十年 劉公治堂蒞橫  
以全力振刷文化前途之改進倡議釐輯邑志由是周咨博瞻積  
歲成帙僉擬附刊於後公以先賢手澤未可涇渭莫辨爰顏新稿  
懷遠縣志

卷四下

二五三

曰橫山縣志稿別將是志重印四百部俾耳而目之者益知橫之  
固有是志也及公之遷任日另籌金三百元端備印刷之需余得  
襄厥舉循讀怡然因贅數言於末願後之景仰公行者將有所墓  
焉是為記

中華民國十七年國慶紀念日

